



Broj: 01-601/22
Sarajevo, 29. 3. 2022. godine

Na osnovu odredbe člana 106. stav 5. – 8. u vezi sa članom 135. stav 3. Zakona o visokom obrazovanju Kantona Sarajevo („Službene novine Kantona Sarajevo“ broj: 33/17, 35/20, 40/20 i 39/21) i člana 203. Statuta Univerziteta u Sarajevu, broj: 01-1093-3-1/18 od 28.11.2018. godine, a povodom konkursa za izbor u akademsko zvanje docent/ice na naučnoj oblasti Građansko pravo i građansko procesno pravo objavljenog 22.2.2022. godine. Nastavno-naučno vijeće je na XVI (elektronskoj) sjednici održanoj 28.3.2022. godine od 13,00 do 17,00 sati donijelo sljedeću

O D L U K U

I

Održat će se pristupno predavanje kandidata **Dr Kenada Osmanovića** u okviru konkursne procedure za izbor u akademsko zvanje docent/ica na naučnoj oblasti Građansko pravo i građansko procesno pravo, pokrenutoj po konkursu od 22.2.2022. godine.

II

Pristupno predavanje iz stava 1. Odluke će se održati u **ponedeljak, 4.4.2022. godine sa početkom u 16,00 sati** na temu iz oblasti zemljišno-knjižnog prava (razvoj zemljišno-knjižnog prava u BiH, značaj zemljišne knjige, temeljna načela) u okviru predmeta Stvarno pravo i Pravna klinika iz stvarnog i zemljišno-knjižnog prava, putem online platforme MS Teams, pred Komisijom za pripremanje prijedloga za izbor imenovanom Odlukom Nastavno-naučnog vijeća br. 01-457-1/22 od 14.3.2022. godine i studentima II. godine studija, u trajanju od 45 minuta.

III

Predavanje je javno i istom mogu prisustvovati sva zainteresirana lica putem poveznice koja će biti javno oglašena na web stranici Fakulteta.

O b r a z l o ž e n j e

Odredbom člana 106. stav 5. – 8. Zakona o visokom obrazovanju Kantona Sarajevo („Službene novine Kantona Sarajevo“ broj: 33/17, 35/20, 40/20 i 39/21) propisano je da kandidat koji nije ranije sudjelovao u realizaciji nastavnog procesa na visokoškolskoj ustanovi je obavezan da pred studentima i komisijom održi pristupno predavanje iz nastavnog predmeta, odnosno naučne/umjetničke oblasti za koju je konkurisao, da komisija u postupku izbora kandidata ocjenjuje uspješnost pristupnog predavanja uzimajući u obzir rezultate evaluacije studenata na način i pod uslovima utvrđenim statutom, da je visokoškolska ustanova dužna na javan i transparentan način oglasiti vrijeme održavanja predavanja, a kandidat koji na pristupnom predavanju dobije negativnu ocjenu komisije ne učestvuje u daljnjem postupku izbora.

Odredbom člana 203. Statuta Univerziteta u Sarajevu, broj: 01-1093-3-1/18 od 28.11.2018. godine propisano je da je kandidat za izbor u akademsko zvanje docenta koji nije sudjelovao u realizaciji nastavnog procesa obavezan da održi pristupno predavanje iz nastavnog predmeta ili uže naučne odnosno umjetničke oblasti za koju je konkurirao, koje se održava pred studentima fakulteta/akademije na kojem/kojoj se provodi postupak izbora i komisijom za



pripremanje prijedloga za izbor, odnosno za studente one akademske godine (odnosno usmjerenja) na kojoj se izučava nastavni predmet odnosno uža naučna ili umjetnička oblast. Vrijeme i mjesto održavanja pristupnog predavanja vijeće fakulteta/akademije javno oglašava na oglasnoj ploči fakulteta/akademije, a uspješnost pristupnog predavanja kandidata ocjenjuje komisija za pripremanje prijedloga za izbor uzimajući u obzir rezultate ocjene predavanja od studenata.

Imajući u vidu da kandidat Dr Kenad Osmanović nije ranije sudjelovao u realizaciji nastavnog procesa, a konkurisao je na javni oglas za izbor u akademsko zvanje docenta/ice na naučnoj oblasti Gradansko pravo i gradansko procesno pravo, donijeta je odluka kao u dispozitivu.

DEKANICA


Prof. dr. Zinka Grbo



Akt obradila i kontrolisala: Mr Vesna Lazić, sekretar Fakulteta

DOSTAVITI:

- Kandidatu (dr Kenad Osmanović)
- Web stranica
- arhiva